



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

8 MAC 2022 (SELASA)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

8 MAC 2022 (SELASA)

Jakim, KPDNHEP siasat logo halal gegelang sotong tidak diiktiraf

KEMAMAN – Jabatan Kemajuan Islam Malaysia (Jakim) akan berkerjasama dengan Kementerian Perdagangan Dalam Negeri dan Hal Ehwal Pengguna (KPDNHEP) menyiasat produk gegelang sotong yang didakwa menggunakan logo pengesahan halal tidak diiktiraf.

Menteri di Jabatan Perdana Menteri, Datuk Idris Ahmad berkata, siasatan sedang dilakukan Jakim berhubung status logo pengesahan halal terbabit.

"Siasatan dilakukan kepada pihak pengilang (produk gegelang sotong) bagi memastikan kesahihan logo pengesahan halal yang diguna pakai.

"Kita akan serahkan hasil siasatan (sijil pengesahan halal) itu kepada KPDNHEP bagi tindakan lanjut termasuk pendakwaan sekiranya terbukti salah laku," katanya di sini semalam.

Terdahulu beliau ditemui selepas menyampaikan bantuan Tabung Musa'adah Banjir Jakim kepada 200 mangsa banjir di Kampung Seberang Tayor di sini.

Idris berkata, beliau percaya tindakan tegas akan diambil sekiranya terbukti produk gegelang



GEGELANG sotong tular di WhatsApp berantai mendakwa dibuat daripada dubur babi selain menggunakan logo halal palsu.

sotong terbabit menggunakan logo pengesahan palsu.

Dalam pada itu, beliau memberitahu siasatan status produk gegelang sotong terbabit yang didakwa diperbuat daripada usus atau dubur babi akan dilakukan KPDNHEP.

Kosmo! semalam melaporkan KPDNHEP mengesyaki logo pengesahan halal yang digunakan bagi produk itu bukan dike-

luarkan Jakim atau badan luar negara diiktiraf agensi itu.

Timbalan Perdagangan Dalam Negeri dan Hal Ehwal Pengguna, Datuk Rosol Wahid memohon aduan rasmi dibuat supaya siasatan dilakukan mengikut Akta Perihal Dagangan 1972.

Kecoh minggu lalu di aplikasi WhatsApp mendakwa ada gegelang sotong diperbuat daripada dubur babi.

 Senarai Harga Barang Keperluan	• Ayam	RM7.99	• Telur Gred A	RM12.30	• Gula Pasir	RM2.80	• Cili Merah	RM9.90
	• Daging Lembu Tempatan	RM40	• Ikan Kembung	RM12	• Bawang Besar Holland	RM2.39	• Kubis Bulat Tempatan	RM2
	• Daging Lembu Import	RM24.99	• Minyak Masak	RM5.50	• Bawang Putih	RM5.50	• Tepung Gandum	RM2.20

**Harga (RM/kg) Sumber: KPDNHEP*